

OBRA DI GUSTAVE NOUEL A BIRA DISEÑO OFICIAL PA CARNAVAL



ORANJESTAD (AAN): Durante un presentacion oficial den fin di siman na Gasparito Restaurant, Aruba a cera conoci cu e diseño oficial pa Carnaval 1995.

E develo di esaki tabata na encargo di Ministro di Turismo Tico Croes, den presencia di miembronan di e Comision di Diseño di Carnaval. E diseño di e aña aki a ser tuma for di un pintura original di azeta haci door di

e artista local Gustave Nouel

Ta asina cu Gustave Nouel a acerca e miembronan di comision pa entrega un di su obranan pa ser considera pa e diseño di otro aña. Impresiona pa su perseverancia y talento, el a ser pidi pa trece un di su diseñonan pa consideracion. El a ser pidi pa pinta den su pintura un persona specifico.

Un di e artistanan Arubiano internacionalmente mas conoci a ser inspira pa pinta loke e ta yama "E espiritu di

Carnaval di Aruba" den cual e ta refleha e vision di e espectador, e participante y e coordinador di Carnaval. E ta un diseño pa conmemora e di 41 aña di Carnaval.

E miembronan di e comision a dedica e diseño di Carnaval 41 na Milo Croes, e persona cu na comienzo tabata responsable pa curanza loke ta awe un di e tres carnavalnan di mas grandi di mundo.